

Haldáttás iävtuttás luosâpivdo kieldimist Tiänujuuvâst adelui ovdâskoodán

Haldáttás iävtuttás luosâpivdo kieldimist Tiänujuuvâst ive 2023 adelui ovdâskoodán staatâräädi čuákkimist tuorâstuv 17.11.2022. Luosâpivdo iävtutteh kieldid Tiänust vâi luosânaalijn lii máhđulâšvuotâ iäláskid.

Tiänu luosânaalij tile lii ain uáli hiäjus. Tiänu čacáduv škajâluođân-, videočuávvum- já puohčâmrekinistmij tutkâmpuátusijn lii selvânâm, ete Tiänu luosânaalij tile lii enâmustáá ive 2021 tääsist tâi váhá tast hiäjub tääsist. Toos lasseen ennustás mávsulij, stuárráb, maanġâ ive meerâst šoddâm enniluosâi meereest puáttee iivijn lii uáli hiäjus oovtâ merâive luosâi (tiidij) kuárnummere vuáđuld. Vâi luosânaalih puávtáččii iälááskškyettiđ, te Tiänun já uálgijuvváid annojeh eenâb ennikyeleh. Tondiet láá iävtuttâm juátkiđ luosâpivdokiäldu.

Tastko Tiänujuuhâ lii Taažâ já Suomâ koskâsâš räjjijuuhâ, te luosâpiivdon kyeskee čuávduseh ráhtojeh ihásávt oovtâst Taažâin. Toos lasseen kuálástemkiäldu teikâ vuáimálijd rajjiittásâid kalga kiedâvuššâđ Suomâ ovdâskoddeest. Ääšist láá viggâm ráđádállâđ čuávdus luosâ uáli uccâ mere kuálástemmáhđulâšvuodâst. Täst ij kuittâġ šoddâm čuávdus, ko muulsâiävtuh iä lamaš olášuttemtohálih. Čuávdusijđ iävtuttâm peelijn lijjii stuorrâ iäruh uáinuin kuáláástmist, mon tile máhđulistáčij.

Tiänu luosâpivdokiäldun kyeskee lahâiävtuttás ovdán jo tääl ovdâskoodán, vâi tom lii máhđulâš kiedâvuššâđ ovdil ko táálâš ovdâskoddepaje nohá. Mudoi laahâ ij kierġâniččii puáttiđ vuáimán ovdil ko kuálástepaje álgá.

Lahâiävtuttásâst lii meid cekki, mii adeličij raamijđ ruošâluosâ hâldejum pivdohavváid puáttee keesi, kuás lii oppeet vyerdimist taan vieresslaajâ vuáimálâš kuárnumvajâldem Tiänun.

Lasetiäđuh:

Vesa Ruusila, meccituáloráđiolmooš, p. 02951 62051, vesa.ruusila(at)gov.fi

Tapio Hakaste, ráđádállee virgeolmooš, p. 02951 62152, tapio.hakaste(at)gov.fi